

Cienzyiengz Minzczuz Vwnzva Hwnghfat Daegsaek Gyauyuz

弘扬民族文化 发展特色教育

——Geiq Fuzsuih Yen Cunghdungh Cin Cungsim Siujyoz Laemxsim Banhhag

□bonjbauz gicej Linz Nanz dungbsiayenz Veiz Fuzcoz



▲ Ginzung lusen dangj raeuz hengz daengz ndaw hagdangz.

▲ Lauxsae camgya ging-niemh sonhag doxgyau sim angqyangz.

◀ Dangz goq lauxsae hwnj ndaej ndei hagseng dingq ndaej haeui.

Fuzsuih Yen Cunghdungh Cin Cungsim Siujyoz youq 1906 nienz banh, daengz seizneix ciemqdieg 46026 bingzfuengmij. Ndaw hagdangz hwnj miz laeuzsonhag, laeuzrugninz hagseng, laeuzgwnngaiz hagseng; hwnj miz funghranz yaemvah, funghranz doxcomz bwhgoq, funghranz lai-meizdij, funghranz yawjsaw, funghranz yizgi, funghranz sausenhduei hozdung, funghranz banhgoeng lauxsae daengj funghranz lai goengnaengz. Hagdangz banhhag diuzgen ndei, lauxsae sonsaw ndei, guenjieix gveihfan, dwg aen hagdangz hagseng gyaey daeuj haglien ndeu.

Dangqnaj hagdangz miz yoz-cenzbanh caeuq it daengz roek nienzgaep gungh 27 aen ban, miz hagseng 1288 vunz, ndawde 1275 vunz dwg hagseng Bouxcuengh, miz lauxsae cizgungh 80 boux, ndawde miz 7 boux dwg Sawcuengh conhyez cunghconh bizyey, dangqnaj lij miz 10 lai boux lauxsae doeg hanzsou Sawcuengh bwnjgoh conhyez. Aen hagdangz neix daj 2012 nienz hwnj, hai ban Cuengh Gun song saw vah ngeihloih mozsi saedniemh sonhag.

Hagdangz guh ndei minzczuz vwnzva gyauyuz hozdung, hwnghfat daegsaek gyauyuz, aeu Vahcuengh, Fwencuengh, foux minzczuz daengj coqhaeuj gwnzdangz bae sonhag, sawj hagseng ndaej hag daengz haujlai minzczuz vwnzva, aeu ndaej cwnzyau ndei. Aen hagdangz neix hagseng youq 2012 nienz Gvangjsih siujhagseng Vahcuengh byauhcuinj caizyi byauj-yenjsai ndawde ndaej ngeih daengj ciengj; Lij Gen caeuq Vangz Dingfungh song boux lauxsae ndaej youhsiu cijdauciengj. 2009、2010、2012 nienz faenbied ndaej Cungzcoj Si cungh siuj hagseng vwnzyi

veiyienj “golwngyez moq, gojdamz-raih lwngyez” cangcoz biujyienj doxdax sam daengj ciengj, Lij Gen lauxsae doengzseiz ndaej youhsiu cijdauj ciengj. 2010 nienz ndaej daengz Fuzsuih Yen caizyi doxdax siujyozcuj heiqloux sam daengj ciengj, swnghyozlei sam daengj ciengj, Lij Gen lauxsae doengzseiz ndaej youhsiu cijdauj ciengj. 2012 nienz, saeseng faenbied ndaej daengz Fuzsuih Yen Daihsei Gaiq Lwngyez Caizyi Daxdax siujyoz cuj swnghyozlei sam daengj ciengj. Lij Gen lauxsae doengzseiz ndaej youhsiu lauxsae ciengj. 2012 nienz ndaej daengz Fuzsuih Yen hagdangz seifaenz doegsaw doxdax hagseng cuj ngeih daengj ciengj, lauxsae cuj sam daengj ciengj, Liuz Sauyungz caeuq Lij Gen song boux lauxsae doengzseiz ndaej biujyienj ciengj, youhsiu cijdauj ciengj, hagdangz doengzseiz ndaej daengz youhsiu cujciiz ciengj. Youq 2012 nienz, Fuzsuih Yen banh gaiq daih’it minzczuz diyyuz yindungvei ndawde, aen hagdangz neix hagseng youq nyzmbwk 100 mij, yiengq raeblaeng vut giuzsaedsim, aemq laep cieq domq doxdax ndawde faenbied ndaej daengz daihsam mingz, daihsei mingz, daihroek mingz. 2014 nienz daengx gih gaiq daihsam siujhagseng gangj goj Vahcuengh doxdax ndawde, miz song boux hagseng ndaej sam daengj ciengj.

Aen hagdangz neix guh ndaej ndei, cujyau ca lajneix geij diuz:

It dwg hagdangz yawjnaek ca goqdaez yenzgiu. Hagdangz genj guzgan lauxsae gyoebbaenz yaubwnj gocwnz gohyenzcu, doenggvaq caz swliu, ok rog bae cunzcam, lauxhangz bingzdiemj, cwkomz sucaiz, biensij yaenq ok sawson minzczuz vwnzva

haeuj hagdangz. Sawson daj yinzvwnz dili, saehsaed bouxokmingz, ndaw-biengz minzfung minzsug, cienzsei mejidwz, foux conzdung ndawbiengz, go caeuq vabsug ndawbiengz daengj geij aen fuengmienh daeuj bien sij, mizyauq dwk bae yinx saeseng cienzyiengz vwnzva conzdung maenhndei.

Ngeih dwg aen hagdangz neix dawz minzczuz vwnzva coqhaeuj ndaw sawson bae, hailaeb Cuengh Gun song saw vah ngeihloih mozsi saedniemh sonhag, hawj hagseng daj iq couh beizyang baujhoh minzczuz vwnzva yisiz. Hagdangz banlingjdauj doengjit swhsienj, daezsang yinsiz, laebbaenz le lingjdauj siujcu, caemhcai yenzgiu saedhengz fangh’an. Daj 2012 nienz seizcou hageiz hwnj, aen hagdangz neix yozcenzbanh haunduj guh Cuengh Gun song saw vah ngeihloih mozsi saedniemh sonhag. Dangqnaj, gij ban hwnj goq Sawcuengh de yozcenzbanh miz 3 aen, hagseng 71 boux; itnienzgaep 3 aen ban, hagseng miz 145 boux; ngeih nienzgaep 3 aen ban, hagseng 144 boux. Hagdangz ciengzseiz haihoih yenzgiu gij hong song saw vah sonhag, ndaej daengz cawjranz lijgaij caeuq haeujcoengh.

Sam dwg hagdangz doenggvaq yinhoyz, meijsuz, diyyuz, cawjdaez banhduivei caeuq govai hozdung lai roenloh guh minzczuz vwnzva gyauyuz senhconz, daihlig guh gij daegsaek Bouxcuengh diyyuz hozdung, lumj doenggvaq dwkgyangq, dik lwggienq, diuq fouxfaexsax daengj minzczuz conzdung diyyuz hanghmoeg, hawj hagseng youq ndaw hozdung ndawde roxdaengz minzczuz fungsug, demgya minzczuz gamjcingz.

Lai bi daeuj, aen hagdangz neix



▲ Hagseng gauj ndaej cingzcik ndei, fat mbaw ciengjang gujli de.



▲ Hagseng ranz gungzhoj, vunzai caez bangcoengh.

sonyinx hagseng hag ciengq go minzczuz, hag diuq foux minzczuz, hag guh minzczuz soujgungh gunghyibinj, hag rox hangh saulsuz minzczuz conzdung diyyuz hanghmoeg ndeu daengj hozdung, hawj hagseng youq ndawde beizyang minzczuz doxgiat, gaenxyaek maenh’ak, ndiepgyaey hozbingz, seizseiz hawj bonjfaenh ak daengj minzczuz cingsaenz.

Aen hagdangz neix lij gujli hagseng youq ngoenzciat caeuq ngoenz gyaizeiz dauqma ranzyouq segih bonjfaenh guh segih fuzvu, camgya sevei sizcenj, hawj hagseng caencingq roxdaengz gijmaz dwg minzczuz cingsaenz.